

四庫全書

經部

欽定四庫全書

經部

春秋左傳注疏卷五十五  
六

詳校官監察御史王爾烈

給事中臣溫常綬覆勘

覆校官中書臣汪日章

校對官中書臣王夔憲

謄錄監生臣姚希慶

欽定四庫全書

春秋左傳注疏卷五十五

起定公五年  
盡九年

晉杜氏注 唐陸德明音義 孔穎達疏

經五年春王三月辛亥朔日有食之注無傳

夏歸粟于蔡注蔡為楚所圍饑乏故魯歸之粟疏

注正義曰

公羊傳曰孰歸之諸侯歸之曷為不言諸侯歸之離至不可得而序故言我也穀梁傳亦然賈逵取彼為說云不書所會後也杜以傳文唯言周亟稌無資自解魯歸粟之意不言諸侯歸之諸侯或亦歸之要此經所書其意不及諸侯故顯而異之言魯歸之粟

於越入吳注於發聲也疏

注正義曰公羊傳云於越者何越者何於越者未能以其

名通也越者能以其名通也其意言越與於越立文不同事有褒貶左氏無此義越是南夷夷言有此發聲史官或正其名或從其俗越與於越史異辭無義例

六月丙申季孫意如卒

秋七月壬子叔孫不敢卒注無傳

冬晉士鞅帥師圍鮮虞

傳五年春王人殺子朝於楚注因楚亂也終閔馬父

之言○夏歸粟于蔡以周亟矜無資注亟急也音義

力反亟紀 ○越入吳吳在楚也 ○六月季平子行東野注

東野季氏邑音義

行下孟反下桓子行同

還未至丙申卒于房

陽虎將以璵璠欵注璵璠美玉君所佩音義

璵本又作與音

餘璠音煩又方煩反欵力驗反

疏

注正義曰案說文云璵璠魯之寶玉璵璠是一玉名說文又云璵美

玉與璵璠異也

昭公出奔之後平子攝行君事入宗廟佩此玉陽虎以平子嘗佩此玉故將以欵之仲梁

懷不與明此玉是君所佩也君之所佩故為美玉也玉藻云公侯佩山玄玉此當時所佩未必是山玄也

玉藻又云古之君子必佩玉右微角左宮羽鄭玄云微角在右事也民也可以勞宮羽在左君也物也宜

逸 仲梁懷弗與注懷亦季氏家臣曰改步改玉注昭

公之出季孫行君事佩璵璠祭宗廟今定公立復臣

位改君步則亦當去璵璠音義

去起

疏

正義曰步謂行也玉藻云

君與尸行接武大夫繼武士中武鄭玄云尊者尚徐

接武蹈半迹繼武迹相及也中武迹間容迹是君臣

步不同也玉藻又云公侯佩山玄玉大夫佩水蒼玉

是君臣玉不同也昭公之出季氏行君事為君行佩

君玉及定公立季氏復陽虎欲逐之告公山不狃不

狃曰彼為君也子何怨焉注不狃季氏臣費宰子洩

也為君不欲使僭音義狃女九反為于偽反注疏正義

曰家臣謂季氏為君既葬桓子行東野注桓子意如

故注云不欲使僭

子季孫斯及費子洩為費宰逆勞於郊桓子敬之勞

仲梁懷仲梁懷弗敬注懷時從桓子行輕慢子洩音

義

勞力報反下同從才用反下從父昆弟皆從王並同

子洩怒謂陽虎子行之

乎注行逐懷也為下陽虎囚桓子起○申包胥以秦

師至秦子蒲子虎帥車五百乘以救楚注五百乘三

萬七千五百人音義

乘繩證反注同

子蒲曰吾未知吳道注

道由法術使楚人先與吳人戰而自稷會之大敗夫

槩王于沂注稷沂皆楚地音義

沂魚依反

吳人獲蓬射於

栢舉注蓬射楚大夫音義

射食亦反又食夜反

其子帥奔徒注

奔徒楚散卒音義

卒子忽反

以從子西敗吳師於軍祥注

楚地秋七月子期子蒲滅唐注從吳伐楚故九月夫

槩王歸自立也以與王戰而敗注自立為吳王號夫

槩奔楚為堂谿氏注傳終言之音義

谿芳兮反

吳師敗楚

師于雍澁秦師又敗吳師吳師居麋注麋地名音義

麋九倫反

子期將楚之子西曰父兄親暴骨焉不能收又

楚之不可注前年楚人與吳戰多死麋中言不可并



焚音義暴步子期曰國亡矣死者若有知也可以歆

舊祀注言焚吳復楚則祭祀不廢音義歆許豈憚焚

之焚之而又戰吳師敗又戰於公壻之谿注楚地名

吳師大敗吳子乃歸囚闔輿罷闔輿罷請先遂逃歸

注輿罷楚大夫請先至吳而逃歸言吳唯得楚一大

夫復失之所以不克音義闔音因輿音餘又作輿羊

葉公諸梁之弟后臧從其母於吳不待而歸注諸梁

司馬沈尹戍之子葉公子高也吳入楚獲后臧之母

楚定臧棄母而歸音義

葉舒涉反從如字又才用反

葉公終不正

視注不義之○乙亥陽虎囚季桓子及公父文伯注

文伯季桓子從父昆弟也陽虎欲為亂恐二子不從

故囚之音義

公父音甫

而逐仲梁懷冬十月丁亥殺公何

藐注藐季氏族音義

藐七角反一音彌小反

己丑盟桓子于稷

門之內注魯南城門庚寅大誚逐公父歆及秦遄皆

奔齊注歆即文伯也秦遄平子姑壻也傳言季氏之

亂音義

誚莊慮反歆昌欲反遄市專反

○楚子入于郢注吳師已歸

初鬪辛聞吳人之爭宮也曰吾聞之不讓則不和不可  
以遠征吳爭於楚必有亂有亂則必歸焉能  
定楚王之奔隨也將涉於成白注江夏竟陵縣有白

水出聊屈山西南入漢音義

馬於虔反白其九反屈其勿反

藍尹疊

涉其帑注疊楚大夫音義

藍力甘反疊亡匪反帑音奴

不與王舟

及寧王欲殺之注寧安定也子西曰子常唯思舊怨  
以敗君何效焉王曰善使復其所吾以志前惡注惡  
過也王賞鬪辛王孫由于王孫圉鍾建鬪巢申包胥

王孫賈宋木鬪懷注九子皆從王有大功者子西曰

請舍懷也注以初謀弒王也音義

舍音捨又音赦弒申志反

王曰

大德滅小怨道也注終從其允免王大難是大德音

義難乃旦反申包胥曰吾為君也非為身也君既定矣又

何求且吾尤子旗其又為諸注子旗蔓成然也以有

德於平王求欲無厭平王殺之在昭十四年音義

為君

于偽反下為身同厭於鹽反遂逃賞王將嫁季芊季芊辭曰所以

為女子遠丈夫也鍾建負我矣以妻鍾建以為樂尹

注司樂大夫音義

遠于萬反  
妻七計反

王之在隨也子西為王

輿服以保路國于脾洩注脾洩楚邑也夫王恐國人

潰散故偽為王車服立國脾洩以保安道路人音義

脾婢支反

洩息列反疏正義曰王之在隨也國內無王子西以

以安道路之人國于脾洩之地於時子西蓋假稱王矣

聞王所在而後從王

使由于城麋注於麋築城復命子西問高厚焉弗知

疏正義曰子西問由于所築麋城之高厚幾何由于不知董遇云問城高厚丈尺也本或有大小者涉

下文而

誤耳子西曰不能如辭注言自知不能當辭勿行

疏

正義曰敢為不敢如為不如古人之語然也僖二十二年傳云若愛重傷則如勿傷愛其二毛則如

服馬經傳之文此類多矣

城不知高厚小大何知疏

正義曰王肅斷小大何知

為句注云如是小大何所知也張真古今人論云子西問城之高厚小而弗知也子西怒曰不能則如

辭城之而不知又何知乎張真引傳為文小大上屬杜雖無注蓋與張同

對曰固辭不能

子使余也人各有能有不能王遇盜於雲中余受其

戈其所猶在袒而示之背曰此余所能也脾洩之事

余亦弗能也注傳言昭王所以復國有賢臣也音義

袒音但

○晉士鞅圍鮮虞報觀虎之役也注三年鮮虞

獲晉觀虎

經六年春王正月癸亥鄭游速帥師滅許以許男斯歸

注游速大叔子

二月公侵鄭公至自侵鄭注無傳

夏季孫斯仲孫何忌如晉

秋晉人執宋行人樂祁犁注稱行人言非其罪音義犁力

兮反又  
力之反

冬城中城注無傳公為晉侵鄭故懼而城之音義為于偽反

季孫斯仲孫忌帥師圍鄆注無傳何忌不言何闕文鄆

貳於齊故圍之音義

鄆音運

疏

正義曰鄆是魯邑輒曰圍之必是鄆邑叛也三傳並

無其事不知何為而叛明年齊人歸鄆是叛屬齊也

傳六年春鄭滅許因楚敗也○二月公侵鄭取匡為

晉討鄭之伐胥靡也注胥靡周地也周儋翩因鄭人

以作亂鄭為之伐胥靡故晉使魯討之匡鄭地取匡

不書歸之晉音義

為于偽反注同儋丁甘反翩音篇

疏

正義曰下注云鄭伐周六

邑在魯伐鄭取匡前而此獨云胥靡者此時須顯侵鄭之意故言討鄭之伐胥靡畧言之也但鄭伐周事



須從下文戍周發之故傳  
文乃逆指下事為次也

往不假道於衛及還陽虎

使季孟自南門入出自東門注陽虎將逐三桓欲使

得罪於鄰國舍於豚澤衛侯怒使彌子瑕追之注彌

子瑕衛嬖大夫音義

豚杜孫反  
嬖必計反

公叔文子老矣注文

子公叔發輦而如公曰尤人而效之非禮也疏

正義曰入

其國門非也追伐其師亦非也尤其非而復效之為  
非禮也下云效小人以棄之即云天將多陽虎之罪

則公叔文子知此出入衛門是陽虎  
之計非魯公使然尤人謂尤陽虎也

昭公之難君將

以文之舒鼎注衛文公之鼎成之昭兆注寶龜疏

正義

曰賈逵云舒鼎鼎名昭兆寶龜杜依用之蓋衛文公鑄此鼎也其名曰舒不知其故成之昭兆成公新得此龜蓋以灼之出兆兆文分明故名為昭兆定之鞶鑑注鞶帶而以鏡為

飾也今西方羌胡猶然古之遺服音義

鞶又作盤步丹反又蒲官

反鑑古暫反

苟可以納之擇用一焉公子與二三臣之子

諸侯苟憂之將以為之質注為質求納魯昭公音義

質音致注同

此羣臣之所聞也今將以小忿蒙舊德注蒙

覆也無乃不可乎大如之子注大如文王妃音義

大音

泰如音似

唯周公康叔為相睦也而效小人以棄之不亦

誣乎天將多陽虎之罪以斃之君姑待之若何乃止

注止不伐魯師○夏季桓子如晉獻鄭俘也注獻此

春取匡之俘音義

俘芳夫反

陽虎強使孟懿子往報夫人

之幣注虎欲困辱三桓并求媚於晉故強使正卿報

晉夫人之聘音義

強其丈反注同下皆放此

疏

正義曰聘禮者諸侯使卿聘鄰國之

禮也執圭以致君命執璧以致享幣其於夫人則聘用璋享用琮聘君與夫人一使兼致之夫人不別使

也傳言報夫人之幣則晉之夫人嘗有聘魯者矣禮法夫人不別遣使則晉之夫人聘者亦為晉君來聘

也經無其事蓋遣大夫來聘名氏不合見經故畧之也不言報晉君唯言報夫人者桓子如晉獻鄭俘即

亦報聘晉也桓子報聘即亦得報夫人也但陽虎欲  
困辱三桓又欲求媚於晉既使桓子報聘晉君又別  
遣正卿報晉夫人所以晉人兼享之注賤魯故不復  
因辱三桓而重晉禮也

兩設禮明經所以不備書音義

復扶

反疏

注正義曰若桓子特為獻

俘懿子專為報聘則經當兩書如晉不合共文晉人  
亦當兩設享禮各待一客今乃桓子聘晉君懿子報  
夫人聘則似共為一使若賓與介然故晉人兼享之  
賤魯故不復兩為設禮傳言此者明經所以不備書  
也不備書謂不各自立文兩書如晉也若然文十八  
年公子遂叔孫得臣如齊亦是經不備書而怪此不  
備者彼傳言惠公立故且拜葬也則是魯並命二卿  
令行兩事雖各有所主而受命俱行故宜共文書之  
此則桓子獻俘并亦報聘一卿足以兼之懿子不須  
行矣陽虎強使之行乃是從後而去去時不同受命

宜當別書如晉止為晉人所賤故經不復備書正以  
傳言強使懿子報夫人之幣知桓子報晉君矣傳言  
兼享之知其不應兼矣以此明二人  
不同受命宜應別書略而不備書耳  
孟孫立于房外

謂范獻子曰陽虎若不能居魯而息肩於晉所不以

為中軍司馬者有如先君注稱先君以徵其言若欲

使晉必厚待之疏

正義曰懿子之意不為陽虎求官欲使晉人知陽虎專權為國所患

言若不得居魯而息肩於晉示已知陽虎必將作亂而出奔也中軍司馬晉國大夫之最貴者為求此官似若欲使晉厚待之然令晉知其情耳諸言有如皆是誓辭稱先君以徵其言似若欲晉必從之

獻子曰寡君有官將使其人注擇得其人鞅何知焉獻

子謂簡子曰魯人患陽虎矣孟孫知其釁以為必適

晉故強為之請以取入焉注欲令晉人聞虎當逃走

故強設請託之辭因此言以入晉令晉素知之音義

釁許斬反為之于疏注正義曰本意不為陽虎請官

偽反令力呈反欲令晉人知陽虎終必逃走強

設託請之辭因此言辭以取入晉之意欲令晉人素知陽虎之必逃○四月己丑吳大

子終釁敗楚舟師注終釁闔廬子夫差九舟師水戰

音義釁力追反又力軌反獲潘子臣小惟子注二子

楚舟師之帥音義惟位悲反本又作帷及大夫七人

楚國大惕懼亡子期又以陵師敗于繁揚注陵師陸

軍音義

惕他 歷反 疏注正義曰上云舟師水戰此言陸師

云高平曰陸大陸曰阜大阜曰陵是陵陸小大之異名耳令尹子西喜曰乃今可

為矣注言知懼而後可治於是乎遷郢於郟而改紀

其政以定楚國注傳言楚賴子西以安音義○  
郟音若

周儋翩率王子朝之徒因鄭人將以作亂于周注儋

翩子朝餘黨鄭於是乎伐馮滑胥靡負黍狐人闕外

鄭伐周六邑在魯伐鄭取匡前於此見者為戍周起

也陽城縣西南有負黍亭音義

見賢遍反下文見溷并注同為于偽反下

同六月晉閻沒戍周且城胥靡注為下天王出居姑

蕪起○秋八月宋樂祁言於景公曰諸侯唯我事晉

今使不往晉其憾矣樂祁告其宰陳寅注以與公言

告之音義

使所吏反憾戶暗反

陳寅曰必使子往他日公謂樂

祁曰唯寡人說子之言子必往陳寅曰子立後而行

吾室亦不亡注寅知晉政多門往必有難故使樂祁

立後而行音義

說音悅難乃旦反下文同

唯君亦以我為知難而



行也見溷而行注溷樂祁子也見於君立以為後音

義

溷侯溫反  
又侯困反

趙簡子逆而飲之酒於繇上獻楊楯六

十於簡子注楊木名音義

飲於鵠反楯食  
允反又音允

陳寅曰昔

吾主范氏今子主趙氏又有納焉以楊楯賈禍弗可

為也已注知范氏必怨將得禍音義

賈音古

然子死晉

國子孫必得志於宋注以其為國死音義

為于偽  
反下同范

獻子言於晉侯曰以君命越疆而使未致使而私飲

酒不敬二君不可不討也乃執樂祁注獻子怒祁比

趙氏經所以稱行人音義

疆居良反使所吏  
下同毗志反

○陽虎

又盟公及三桓於周社盟國人於亳社詛于五父之

衢注傳言三桓微陪臣專政為八年陽虎作亂起音

義

毫步各反詛側慮反  
父音甫衢其俱反

○冬十二月天王處于姑猶

注姑猶周地音義

猶音由一  
音由猶反

辟儋翩之亂也注為明

年單劉逆王起音義

單音善

經七年春王正月

夏四月

秋齊侯鄭伯盟于鹹注衛地音義  
鹹音

齊人執衛行人北宮結以侵衛注稱行人非使人之罪

音義使所齊侯衛侯盟于沙注結叛晉也陽平元城縣

東南有沙亭音義沙如字又

大雩注無傳過也

齊國夏帥師伐我西鄙注夏國佐孫

九月大雩注無傳過也疏注正義曰案賈逵云旱也杜

發之言旱以此傳無旱文故謂之過如賈之所言前既  
有雩後又有雩旱可知不須發傳若然昭二十五年上

辛大雩季辛又雩一月兩雩旱亦可知何須發傳言旱甚也劉以賈言規杜非也蓋時有小旱故傳不言旱未應谷雩故杜云過也

傳七年春二月周儋翩入于儀栗以叛注儀栗周邑

○齊人歸鄆陽闕陽虎居之以為政注鄆陽闕皆魯

邑中貳於齊齊今歸之不書虎專之音義仲丁○夏

四月單武公注穆公子劉桓公注文公于敗尹氏于

窮谷注尹氏復黨儋翩共為亂也音義復扶又反○秋齊

侯鄭伯盟于鹹徵會于衛注徵召也衛侯欲叛晉注

屬齊鄭也諸大夫不可使北宮結如齊而私於齊侯

曰執結以侵我注欲以齊師懼諸大夫齊侯從之乃

盟于瑣注瑣即沙也為明年涉佗按衛侯手起音義

瑣素果反佗徒何反按子對反齊國夏伐我注齊叛晉故陽虎御季

桓子公歛處父御孟懿子注處父孟氏家臣成宰公

歛陽音義歛力檢反又音慮或音慮點反將宵軍齊師齊師聞之隕

伏而待之注墮毀其軍以誘敵而設伏兵音義墮許規反

處父曰虎不圖禍而必死注而女也音義女音汝下文同疏

正義曰齊人設伏待魯若入其伏內是為禍也虎不謀此禍而欲夜掩齊師女必死處父欲自殺之苦

夷曰虎陷二子於難注苦夷季氏家臣二子季孟音

義苦始占反不待有司余必殺女虎懼乃還不敗注

傳言陪臣強能自相制季孟不敢有心疏正義曰言不待掌刑

戮之有司余必自殺女也虎見二子以此言懼之乃還不敗 ○冬十一月戊午單

子劉子逆王于慶氏注慶氏守姑蘓大夫晉籍秦送

王己巳王入于王城注己巳十二月五日有日無月

疏注正義曰此年經傳日少上下無可考驗 館于公

族黨氏注黨氏周大夫音義黨音掌而後朝于莊宮注

莊王廟也

經八年春王正月公侵齊注報前年伐我西部公至自

侵齊注無傳

二月公侵齊注未得志故三月公至自侵齊注無傳

曹伯露卒注無傳四年盟臯鼫音義鼫由疏注正義曰又反露以昭二

十八年即位三十二年諸侯之大夫盟于狄泉魯曹俱在時以未告公而公薨故不書于經杜蓋以此故不數之四年盟臯鼫四年二月陳侯吳卒其年盟于臯鼫自爾以來唯有此盟耳

夏齊國夏帥師伐我西鄙音義

國夏戶雅反  
年末注同

公會晉師于瓦注瓦衛地將來救魯公逆會之東郡燕

縣東北有瓦亭音義

瓦顏寡反  
燕音煙

公至自瓦注無傳

秋七月戊辰陳侯柳卒注無傳四年盟臯鼬音義

柳力反

本或作柳

晉士鞅帥師侵鄭遂侵衛注兩事故曰遂

葬曹靖公注無傳疏

正義曰謚法共以解信曰靖

九月葬陳懷公注無傳三月而葬速疏

正義曰謚法慈仁短折曰懷



季孫斯仲孫何忌帥師侵衛

冬衛侯鄭伯盟于曲濮注無傳結叛晉曲濮衛地音義

卜濮音

從祀先公注從順也先公閔公僖公也將正二公之位

次所順非一親盡故通言先公疏注正義曰傳言順祀是從為順也文二年

大事于太廟躋僖公升僖于閔上閔先為君退在僖下是逆也今升閔在僖上依其先後是順也廟主失次唯此二公故知從祀先公唯閔僖耳躋僖公指僖言之此不指言升閔者彼所升者止升僖公之一神不得指言僖公也今從祀之時閔僖俱得正位且以親盡故通言先公此言從祀躋僖公不言逆祀者此從祀因躋僖

公之文故得畧言從祀至於躋僖公文無所繫不知逆祀何公且見是親廟不可言先公故指僖言之而言躋也然則此以親盡故通言先公下桓宮僖宮災彼亦親盡言桓僖者彼據災之所在須指言其處與此體例不同

盜竊寶玉大弓注盜謂陽虎也家臣賤名氏不見故曰

盜寶玉夏后氏之璜大弓封父之繁弱音義

見賢遍反璜音黃父

音疏

注正義曰傳言陽虎取寶玉大弓以出是盜謂陽虎也公羊傳曰盜者孰謂謂陽虎也陽虎者曷為

者也季氏之宰也季氏之宰則微者也惡乎得國寶而竊之陽虎專季氏季氏專魯國其說將殺季氏亦與左傳大同春秋之例再命之卿始得名氏書經陽虎季氏家臣以賤名氏不見故書曰盜盜者賤人之稱也此寶

王大弓必是國之重寶歷世掌之故自劉歆以來說左氏者皆以為夏后氏之璜封父之繁弱成王所以分魯公也公羊傳曰寶者何璋判白弓繡質龜青純彼不知魯有先王分器繆為言耳且所盜無龜知其並是妄也

傳八年春王正月公侵齊門于陽州注攻其門士皆

坐列注言無關志曰顏高之弓六鈞注顏高魯人三

十斤為一鈞鈞百八十斤古稱重故以為異強音義

鈞音均稱尺證疏注正義曰漢書律歷志云量者侖反強其丈反合升斗斛也本起黃鍾之侖以子

穀秬黍中者千有二百實其侖合侖為合十合為升十升為斗十斗為斛而五量嘉矣權者銖兩斤鈞石也本起黃鍾之重一侖容千二百黍重十二銖兩之為兩十六兩為斤三十斤為鈞四鈞為石而五權謹

矣由此而言論之所容重十二銖合論為合兩之為  
兩則合重一兩升重十兩斗重百兩斛重千兩計六  
鈞有一百八十斤合為二千八百八十兩於量為重  
兩斛八斗八升計今人用予此亦未為彊矣而魯人  
傳而觀之故杜以為古稱重故以為異強計古稱亦  
準黃鍾之重為之而得重於今者權量之起本自黃  
鍾而世俗不同每有改易傳稱齊舊四量陳氏皆加  
一焉是其不必常依古也近世以來或輕或重魏齊  
斗稱於古二而為一周隋斗稱於古三而為一則古  
時亦當然杜言古者謂此顏高之時為古耳非言自  
古稱皆  
重也 皆取而傳觀之陽州人出顏高奪人弱弓籍

丘子鉏擊之與一人俱斃注子鉏齊人斃仆也音義

傳直專反鉏仕居反與一人俱斃婢世反顏高與一  
人俱為子鉏所擊而仆仆音赴又蒲北反孫炎云前

覆曰 仆 偃且射子鉏中頰殪注子鉏死音義且如字射食亦反下

同中丁仲反下同類古協反殪於計反死也言顏高雖為子鉏所擊偃仆且射子鉏中頰而死言其善射

也一讀且音子餘反云偃且人姓名 疏 正義曰釋言也檢世族譜無此人一讀者非也 云斃仆也孫

炎曰前覆曰仆吳越春秋稱要離謂吳王夫差曰臣迎風則偃背風則仆是前覆是卻倒此顏高被擊而

仆乃轉而仰且射子鉏猶 顏息射人中眉注顏息魯死言其善射之功然也

人退曰我無勇吾志其目也注以自矜師退再猛偽

傷足而先注猛魯人欲先歸其兄會乃呼曰猛也殿

注會見師退而猛不在列乃大呼詐言猛在後為殿

傳言魯無軍政音義

呼火故反殿  
丁電反注同

○二月己丑單子

伐穀城劉子伐儀栗注討僭翩之黨穀城在河南縣

西音義

單音善僭丁  
廿反翩音篇

辛卯單子伐簡城劉子伐孟以

定王室注傳終王室之亂音義

孟音于

○趙鞅言於晉

侯曰諸侯唯宋事晉好逆其使猶懼不至今又執之

是絕諸侯也將歸樂祁士鞅曰三年止之無故而歸

之宋必叛晉注執樂祁在六年音義

好呼報反  
使所吏反

獻子

私謂子梁注獻子范鞅子梁樂祁曰寡君懼不得事

宋君是以止子子姑使溷代子注溷樂祁子音義

溷侯

溫反又侯困反

子梁以告陳寅陳寅曰宋將叛晉是棄溷也

不如待之注留代勿以子自代樂祁歸卒于大行注

大行晉東南山音義

大音奉行戶即反一音衡

士鞅曰宋必叛不

如止其尸以求成焉乃止諸州注州晉地為明年宋

公使樂大心如晉張本○公侵齊攻廩丘之郭注郭

郭也音義

廩力甚反郭芳夫反

主人焚衝注衝戰車音義

衝昌容反

說文作輜云陷陣車也

或濡馬褐以救之注馬褐馬衣音義

濡人

于反禍  
戶葛反  
遂毀之注毀郭主人出師奔注攻郭人少故

遣後師走往助之疏正義曰賈逵以為主人出魯師奔走而卻退言魯無戰備也劉

炫云杜亦不勝舊今杜必異於賈以為後師奔走往助之者若以賈言魯師奔走則是被敗而還下傳陽

虎何得云猛在此必敗明其於時不陽虎偽不見冉敗故猛得逐廩丘之人是賈言非也

猛者曰猛在此必敗注陽州之役猛先歸言若在此

必復敗音義又復扶反猛逐之顧而無繼偽顛注逐廩丘

人虎曰盡客氣也注言皆客氣非勇音義客苦反○苦

越生子將待事而名之注苦越苦夷音義苦戎反陽州



之後獲焉名之曰陽州注欲自比僑如音義

僑其驕反○

夏齊國夏高張伐我西鄙注報上二侵晉士鞅趙鞅

荀寅救我注救不書齊師已去未入竟音義

竟音境疏

注正義曰春秋諸侯相救皆書於經此救亦當書之不書者齊師聞晉來救已去魯地晉師未入魯竟不成為救故不書也公會晉師于瓦瓦是衛地公往衛地會晉師是其未入竟也公會晉師于

瓦范獻子執羔趙簡子中行文子皆執雁魯於是始

尚羔注獻子士鞅也簡子趙鞅也中行文子荀寅也

禮卿執羔大夫執雁魯則同之今始知執羔之尊也

卿不書禮不敵公史略之音義

行戶疏注正義曰禮卿執羔大夫

執雁周禮大宗伯文也魯則同之蓋命卿與大夫俱  
執雁今見士鞅執羔始知執羔之尊於是方始尚羔  
令卿執之記禮廢之久也傳言於是始尚羔必往前  
不執羔矣但往前所執難知先儒各以意說賈遠云  
周禮公之孤四命執皮帛卿三命執羔大夫再命執  
雁魯廢其禮三命之卿皆執皮帛至是乃始復禮尚  
羔案周禮禮記皆言卿執羔大夫執雁並以爵斷不  
依命數賈何以計命高下妄稱禮乎傳言始尚羔者  
當謂舊賤羔而今尊之耳若本僭孤禮皆執皮帛當  
云始復用羔不得云尚也若改僭從禮得名為尚則  
初獻六羽何以不言始尚六佾也以尚言之足知魯  
卿舊執非皮帛矣鄭衆云天子之卿執羔大夫執雁  
諸侯之卿當天子之大夫故傳曰唯卿為大夫當執  
雁而執羔僭天子之卿也魯人效之而始尚羔記禮

所從壞索禮傳及記天子之臣與諸侯之臣所執無異文也周禮掌容見諸侯之禮上公及侯伯之下皆云卿相見以羔是諸侯之卿執羔不執雁又士相見者諸侯之臣相見之禮也經曰下大夫相見以鴈上大夫相見以羔是諸侯之卿必執羔矣安在於諸侯之卿當天子之大夫乎是則背明文而用肺腸也天子諸侯之臣所異者士相見之禮羔雁皆云飾之以布而曲禮云飾羔雁者以績鄭玄云此為諸侯之臣與天子之臣異也然則天子之臣衣之以布而又畫之諸侯之臣則用布不畫所異唯此而已其執不為異也傳文之乖於禮者爵是卿也皆當執羔趙鞅荀寅不應執雁此是當時之失失於偏下以晉卿失於偏下魯卿不應僭上益明賈言魯卿舊執皮帛非其義矣魯人於是始知執羔為尊或亦效晉唯上卿一人獨執羔耳未必即能如禮諸卿皆執羔也此經言公會晉師不言公會士鞅僖二十九年傳曰在禮卿

不會公侯會伯子男可也故杜云卿不書禮不敵公史略之劉炫云案宣元年會晉師于裴林伐鄭杜云趙盾稱師取于師會故稱師何知此非亦以師會故稱師而云禮不敵公略稱師乎今知不然者以宣元年諸侯俱在又文連伐鄭故言師會此則公之獨會晉師又無征伐之事故以為卿不書禮不敵公史略之劉以此與宣元年並取於師會以規杜氏非也

○晉師將盟衛侯于鄆澤

注自瓦還就衛地盟音義

鄆音專又市轉反本亦作磚同

趙簡子曰

羣臣誰敢盟衛君者注前年衛叛晉屬齊簡子意欲

推辱之涉佗成何曰我能盟之注二子晉大夫音義

佗徒何反衛人請執牛耳注盟禮尊者涖牛耳主次盟者

衛侯與晉大夫盟自以當涖牛耳故請疏注正義曰

卑者執之尊者涖之請執牛耳請使晉大夫執牛耳

周禮戎右云盟則贊牛耳鄭玄云謂尸盟者割牛耳

取血助為之襄二十七年傳曰諸侯盟小國固必有

尸盟者是小國主備辨盟具宜執牛耳哀十七年傳

曰公會齊侯盟于蒙孟武伯問于高柴曰諸侯盟誰

執牛耳季羔曰鄆行之役吳公子姑曹發陽之役衛

石魋武伯曰然則彘也鄆行吳為盟主不知盟禮當

令小國執牛耳而自使其臣執之發陽宋魯衛三國

衛為小蒙則齊魯二國魯為小皆是以小國執牛耳

而尊者涖之以主次同盟者今衛侯與晉大夫盟自

以當為盟主宜涖牛耳故請晉大夫使執之

成何曰衛吾溫原也焉得視

諸侯注言衛小可比晉縣不得從諸侯禮音義

馬於反

將軟涉佗按衛侯之手及挽注按擠也血至挽音義

軟所洽反按子對反挽烏喚反擠子計反一音子禮反說文云排也排也疏注正義曰說文云推排也排擠

也按是推排之意故為擠也昭十三年傳言擠于溝壑謂被推入坑也衛侯怒王孫賈

趨進注賈衛大夫曰盟以信禮也注信猶明也有如

衛君其敢不唯禮是事而受此盟也注言晉無禮不

欲受其盟衛侯欲叛晉而患諸大夫王孫賈使次于

郊大夫問故注問不入故公以晉詬語之注詬恥也

音義詬呼豆反語魚據反且曰寡人辱社稷其改卜嗣寡人從

焉注使改卜他公子以嗣先君我從大夫所立大夫

曰是衛之禍豈君之過也公曰又有患焉謂寡人必

以而子與大夫之子為質注為質於晉音義

質音致注及下

同大夫曰苟有益也公子則往羣臣之子敢不皆負

羈紲以從將行王孫賈曰苟衛國有難工商未嘗不

為患使皆行而後可注欲以激怒國人音義

紲息列反從才

用反下說從弟下從者同難乃旦反激古狄反

公以告大夫乃皆將行之行

有日注有期日公朝國人使賈問焉曰若衛叛晉晉

五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改

盟弗許○秋晉士鞅會成桓公侵鄭圍蟲牢報伊闕

也注桓公周卿士不書監帥不親侵也六年鄭伐周

關外晉為周報之音義

監古銜反為于偽反下同

遂侵衛注討叛

○九月師侵衛晉故也注魯為晉討衛○季寤注季

桓子之弟音義

寤五故反

公鉏極注公彌曾孫桓子族子

公山不狃注費宰音義

狃女九反

皆不得志於季氏叔孫



輒無寵於叔孫氏注輒叔孫氏之庶子叔仲志不得志於魯注志叔孫帶之孫皆為國人所薄故五人因

陽虎陽虎欲去三桓以季寤更季氏注代桓子音義

去起呂反更音庚舊古孟反下皆同以叔孫輒更叔孫氏注代武叔已

更孟氏注陽虎自代懿子冬十月順祀先公而祈焉

注將作大事欲以順祀取媚辛卯禘于僖公注辛卯

十月二日不於太廟者順祀之義當退僖公懼於僖

神故於僖廟行順祀音義禘大計反疏正義曰釋例曰大祭于太廟以審定

昭穆謂之禘禘于太廟禮之常也各以其宮時之為也雖非三年大祭而書禘用禘禮也然則禘者審定昭穆之祭也今為順祀而禘于僖公則是并取先公之主盡入僖廟而以昭穆祭之是為用禘禮也計禘禮當于太廟今就僖廟為禘者順祀之義退僖升閔懼於僖公之神故於僖廟行禘禮使先公之神徧知之禮祭尊可以及卑後世之主宜上徙太廟而食今徙上世之主下入僖廟祀之當時所為非正禮也昭三十五年禘于襄公義亦然也

壬辰將享季氏于蒲圃而殺之戒都

車曰癸巳至注都邑之兵車也陽虎欲以壬辰夜殺

季孫明日癸巳以都車攻三家音義

圃布五反

成宰公斂

處父告孟孫曰季氏戒都車何故孟孫曰吾弗聞處

父曰然則亂也必及於子先備諸與孟孫以壬辰為

期注處父期以兵救孟氏壬辰先癸巳一日音義

先

悉薦反

陽虎前驅林楚御桓子虞人以鉞盾夾之陽越

殿注越陽虎從弟音義

鉞音皮反盾音允反又音允夾古洽反殿丁見反

將

如蒲圃桓子咋謂林楚注咋暫也音義詐咋仕詐反曰而先

皆季氏之良也爾以是繼之注欲使林楚免已於難

以繼其先人之良音義

難乃旦反下同疏正義曰而女也言女先祖以來皆為

季氏忠良之臣女今不良反以是殺我之事繼續之對曰臣聞命後注後猶晚

陽虎為政魯國服焉違之徵死死無益於主桓子曰  
何後之有而能以我適孟氏乎對曰不敢愛死懼不  
免主桓子曰往也注言必往孟氏選園人之壯者三  
百人以為公期築室於門外注實欲以備難不欲使  
人知故偽築室於門外因得聚眾公期孟氏支子音

義園魚呂反林楚怒馬及衢而騁注騁馳也音義  
為于偽反

領反陽越射之不中築者闔門注季孫既得入乃閉門

音義射食亦反下同中有自門間射陽越殺之陽虎

丁仲反闔戶臘反

勅

劫公與武叔注武叔叔孫不敢之子州仇也音義  
居劫

業反仇音求

以伐孟氏公斂處父帥成人自上東門入注

魯東城之北門與陽氏戰于南門之內弗勝又戰于  
棘下注城內地名陽氏敗陽虎說甲如公宮取寶玉  
大弓以出舍于五父之衢寢而為食其徒曰追其將  
至虎曰魯人聞余出喜於徵死何暇追余注徵召也

陽虎召季氏於蒲圃將殺之今得脫必喜故言喜於

召死音義

說本又作稅同他活反  
得脫徒活反又他活反  
疏注正義曰徵召也釋言文陽虎

名季孫欲殺之今既得脫魯人歡喜季孫免於召死之事何暇追我劉炫云虎召季孫欲殺之則召季孫為召死季孫得脫必大喜魯人聞我出去喜於召死言人人皆喜於季孫從者曰嘻速駕

公斂陽在注嘻懼聲音義

嘻許其反

公斂陽請追之孟孫

弗許注畏陽虎陽欲殺桓子注欲因亂討季氏以強

孟氏孟孫懼而歸之注不敢殺子言辨舍爵於季氏

之廟而出注子言季寤辨猶周徧也徧告廟飲酒示

無懼音義

言辨音遍注徧同舍如字

陽虎入于讎陽闕以叛注叛

不書略家臣音義

謹音歡

○鄭駟欵嗣子大叔為政注

敬駟乞子子然也為明年殺鄧析張本音義

敬市專  
反析星

曆反

經九年春王正月

夏四月戊申鄭伯薨卒注無傳四年盟臯鼬音義

薨逆反

疏

注正義曰薨以昭二十九年即位三十二年大夫盟于狄泉以未告公而公薨故不數

得寶玉大弓注弓玉國之分器得之足以為榮失之足

以為辱故重而書之音義

分扶  
問反

六月葬鄭獻公注無傳三月而葬速疏

正義曰謚法博  
聞多能曰獻

秋齊侯衛侯次于五氏注五氏晉地不書伐者諱伐盟

主以次告疏

注正義曰傳言齊侯伐晉夷儀乃與衛侯次于五氏次既告則伐亦應告故杜以為

諱伐盟主直以次告知非不告伐故不書者若全不告魯容可不以伐告今既以次告魯何意告次不告伐明以衛新叛晉又魯與晉親故恥以伐告唯告次耳劉炫以為不告伐故不書而規杜氏非也

秦伯卒注無傳不書名未同盟

冬葬秦哀公注無傳

傳九年春宋公使樂大心盟于晉且逆樂祁之尸辭偽有疾乃使向巢如晉盟且逆子梁之尸注巢向戍



曾孫音義向舒亮反子明謂桐門右師出注子明樂祁之

子溷也右師樂大心子明族父也右師往到子明舍

子明遂使出門去曰吾猶衰經而子擊鐘何也注忿

其不逆父喪因責其無同族之愆音義衰七雷反經田結反下同

右師曰喪不在此故也既而告人曰已衰經而生子

余何故舍鐘已子明也音義舍音捨子明聞之怒言於

公曰右師將不利戴氏注樂氏戴公族不肯適晉將

作亂也不然無疾乃逐桐門右師注逐之在明年終

叔孫昭子之言○鄭駟歆殺鄧析而用其竹刑注鄧

析鄭大夫欲改鄭所鑄舊制不受君命而私造刑法

書之於竹簡故云竹刑疏

注正義曰昭六年子產鑄刑書於鼎今鄧析別造竹

刑明是改鄭所鑄舊制若用君命遣造則是國家法制鄧析不得獨專其名知其不受君命而私造刑書書之於竹謂之竹刑駟歆用其刑書則其法可取殺之不為作此書也下云棄其邪可也則鄧析不為私作刑書而殺蓋別有當死之罪駟歆不矜免之耳

君子謂子然於是不忠苟

有可以加於國家者棄其邪可也注加猶益也棄不

責其邪惡也音義

邪似嗟反注同

疏正義曰周禮大司寇以八辟麗邦法附刑罰三

曰議賢之辟四曰議能之法鄭玄云賢謂有德行者能謂有道藝者春秋傳曰夫謀而鮮過惠訓不倦者叔向有焉社稷之固也猶將十世宥之以勸能者今臺不免其身以棄社稷不亦惑乎是賢能之人當明罪狀可赦則赦之今鄧析制刑有益於國即是有能者殺有能之人是不忠之臣君子謂子然於是為不能也國之臣民誠有可以加益於國家者取其善處棄其邪惡可也雖知其邪當棄而不責所以勸勉人使學為善能也

靜女之三章取彤管焉注詩邶風也言靜女

三章之詩雖說美女義在彤管彤管赤管筆女史記

事規誨之所執音義

彤徒冬反邶音佩說音悅疏正義曰邶風靜女之篇也於時

衛君無道夫人無德國人欲得貞靜之女以配國君易去無德之夫人也詩有三章其一章云靜女其姝

俟我於城隅其第二章云靜女其夔貽我彤管彤管者  
筆赤管也必用赤者示其以赤心正人也古者后夫  
人必有女史執赤管之筆記妃妾善惡進御之法所  
以規誨人君也靜女三章之詩雖說美女之事事之  
常耳無可特善彤管記事乃是婦人之大法本錄靜  
女云者特為彤管之言可取故全篇取之不棄上下  
之二章也其女史所書之事毛傳有其畧也毛傳云  
古者后夫人必有女史彤管之法史不記過其罪殺  
之后妃羣妾以禮御於君所女史書其日月授之以  
環以進退之生子月辰則以金環退之當御者以銀  
環進之著於左右既御著於  
右手事無大小記以成法

竿旄何以告之取其忠  
也注詩鄘風也錄竿旄詩者取其中心願告人以善  
道也言此二詩皆以一善見采而鄧析不以一善存

身音義

字旄音干下音毛廊音容

疏

注正義曰詩廊風干旄之篇也於是衛文公之臣子多好

善賢者樂告以善道也其詩言大夫之好善者乘駟馬建干旄就賢者諮國事焉云子干旄在浚之郊素絲紕之良馬四之彼姝者子何以畀之子子干旄在浚之都素絲組之良馬五之彼姝者子何以予之

子子干旄在浚之城素絲祝之良馬六之其末句云彼姝者子何以告之姝順貌也賢者見其好善美其共順言已寡知復何以告之自恨無可告之明其無所吝惜本錄干旄之詩者取其中心願告人以善道

彼二詩皆以一善見采而鄧析不以一善存身故君子引二詩以譏子然也

故用其道不

棄其人詩云蔽芾甘棠勿剪勿伐召伯所茇注詩召

南也召伯決訟於蔽芾甘棠之下詩人思之不伐其

樹芟草舍也音義

芟芳味反召音邵注同芟畔末反

疏

正義曰詩召南甘棠之篇

也蔽芾小貌甘棠杜也芟草舍也召伯之聽獄訟不重煩勞百姓止舍小棠之下而聽斷焉國人被其德說其化故愛其樹彼蔽芾然小者甘棠之樹也勿得翦削之勿得斫伐之此乃是召伯舍息之處思

其人猶愛其樹况用其道而不恤其人乎子然無以

勸能矣注傳言子然嗣大叔為政鄭所以哀弱○夏

陽虎歸寶玉大弓注無益近用而祇為名故歸之音

義

祇音支

書曰得器用也凡獲器用曰得注器用者謂

物之成器可為人用者也得用焉曰獲注謂用器物

以有獲若麟為田獲俘為戰獲音義

麟本又作麟呂  
辛反俘芳夫反

疏

正義曰器用者謂器物可為人用凡獲此器物之用者謂之為得也得用者謂將此器用以得於物

馬謂之為獲劉炫以為得用馬曰獲謂得此可用為器之物謂之為獲若麟之皮角之屬以杜解為非今

知不然者案春秋書獲唯有囚俘囚俘不可以為器物除囚俘之外惟有獲麟為靈獸帝王所重不可

以鳳羽麟皮以飾器物劉以麟皮亦堪為器而規杜氏非也

六月伐陽關注討陽

虎也陽虎使楚萊門注陽關邑門音義

萊音來

師驚犯

之而出奔齊請師以伐魯曰三加必取之注三加兵

於魯齊侯將許之鮑文子諫曰臣嘗為隸於施氏矣

注施氏魯大夫文子鮑國也成十七年齊人召而立之至今七十四歲於是文子蓋九十餘矣魯未可取也上下猶和衆庶猶睦能事大國注大國晉也而無天菑若之何取之陽虎欲勤齊師也齊師罷大臣必多死亡已於是乎奮其詐謀夫陽虎有寵於季氏而將殺季孫以不利魯國而求容焉注求自容音義菑音皮親富不親仁君焉用之君富於季氏而大於魯國茲陽虎所欲傾覆也魯免其疾而君又收之無乃



害乎齊侯執陽虎將東之陽虎願東注陽虎欲西奔

晉知齊必反已故詐以東為願音義

馬於虞反傾又作頃音傾覆芳

服反

乃囚諸西鄙盡借邑人之車鑿其軸麻約而歸之

注鑿刻也欲絕追者音義

鑿苦結反軸音逐

載葱靈寢於其

中而逃注葱靈輜車名音義

葱初江反或音忽輜側其反說文云衣車也

疏

注正義曰說文云輜軒衣車也前後有蔽費達云葱靈衣車也有葱有靈然則此車前後有蔽兩旁

開葱可以觀望葱中豎木謂之靈今人猶名葱木為靈子其内容人卧故得寢於其中而逃

追而

得之囚於齊又以葱靈逃奔宋遂奔晉適趙氏仲尼

曰趙氏其世有亂乎注受亂人故疏

正義曰言其當世將有亂也

○秋齊侯伐晉夷儀注為衛討也音義

為于偽注反下同疏正

義曰往年衛侯叛晉叛晉必當事齊下文衛侯會之知是為衛討也

敝無存之父將室

之辭以與其弟注無存齊人也室之為取婦曰此役

也不死反必娶於高國注高氏國氏齊貴族也無存

欲必有功還取卿相之女音義

娶七佳反相息亮反

先登求自

門出死於雷下注既入城夷儀人不服故鬪死於門

屋雷下也音義

雷力又反

東郭書讓登注登城非人所樂

故讓衆使後而已先登音義

樂如字又五季反

犂彌從之曰

子讓而左我讓而右使登者絕而後下注恐書先下

故又譎以讓之下入城也音義

犂力兮反疏正義曰譎古穴反言使登

城人絕皆上訖然後與書下遂自下亦讓書而先下

書左彌先下注書從彌言

左行彌遂自先下亦讓也書與王猛息注戰訖共止

息猛曰我先登書斂甲曰曩者之難今又難焉注斂

甲起欲擊猛音義

曩乃黨反嚮也難乃旦反

猛笑曰吾從子如驂

之靳注靳車中馬也猛不敢與書爭言已從書如驂

馬之隨靳也傳言齊師和所以能克音義

駢七南反  
馬也靳

居觀反本或作如駢之有靳疏正義曰詩云兩服齊

非也爭爭鬪之爭又如字

疏首兩駢雁行鄭云兩

服中央夾轅者然則古人車用四馬夾轅二馬謂之

服兩首齊其外二馬謂之駢首差退說文云靳當膺

也則靳是當胸之皮也駢馬之首當服馬之胸胸上

有靳故云我之從子如駢馬當服馬之靳杜言靳車

中馬也言靳是中馬之駕具故以靳表中馬詩

云駢駘是中駢駘是駢是名服馬為中馬也

晉車

千乘在中牟注救夷儀也今滎陽有中牟縣迴遠疑

非也音義

乘繩  
證反

疏

注正義曰此中牟在晉竟內也趙  
世家云獻侯即位治中牟漢書地

理志云河南郡有中牟縣趙獻侯自取徙此又云三

家分晉河南之中牟魏分也杜言今滎陽有中牟縣

謂此河南之中牟也。晉世分河南為滎陽郡，中牟屬焉。此地乃在河南，計非晉竟所及。故云迴遠，疑非也。又三家分晉，中牟屬魏，則非趙得都之趙獻侯治中牟。亦非河南之中牟也。此言晉車在中牟，哀五年趙鞅伐衛，圍中牟，論語佛肸為中牟宰，與趙獻侯所都中牟，或當是一。必非河南中牟，當於河北別有中牟，但不復知其處耳。有臣瓚者，不知其姓，或云姓傅，作漢書音義云：臣瓚，索河南中牟春秋之時，在鄭之疆內。及三卿分晉，則為魏之邦土。趙界自漳水以北，不及此也。春秋衛侯如晉，過中牟，索比之中牟，非衛適晉之次也。汲郡古文曰：齊師伐趙，東鄙圍中牟。此中牟不在趙之東也。索中牟當在溫水之上。瓚言河南中牟，非此中牟，誠如其語，謂此中牟當在溫水之上，不知其所索據也。

衛侯將如五氏

注齊侯在五氏將往助之，卜過之龜，焦注衛至五氏

道過中牟畏晉故卜龜焦兆不成不可以行事也衛

侯曰可也衛車當其半寡人當其半敵矣注衛侯怒

晉甚不復顧卜欲以身當五百乘音義復扶又反乃過中

牟中牟人欲伐之衛褚師圃亡在中牟曰衛雖小其

君在焉未可勝也齊師克城而驕其帥又賤注城謂

夷儀也帥謂東郭書音義褚中呂反帥所類反注同疏注正義曰杜見傳言

帥賤則云是東郭書劉炫云案上伐夷儀乃齊侯親

兵所陳東郭書之事非是將帥杜何知帥謂東郭書

若東郭書為帥則人無不識何故云督憤而衣狸製

齊侯使視之乃知夫子也且書若為帥被晉之敗何

故君以為功而更受賞乎今知劉難非者以此云克城而驕其帥又賤文既相連止是一事克城謂克夷儀其帥則克城之帥上克城之事郭書先登故知郭書為帥身先士卒也僖二十三年晉侯親自敗狄而卻缺為將成十六年楚子親戰鄢陵而子反為主今齊侯雖伐夷儀郭書何妨別為元帥戎事上下同服故逢丑父得與齊侯易位郭書雖為元帥軍衆之內齊侯容或不辨齊侯賞其先登之功不責其後敗之罪故以為帥謂東郭書劉據此諸遇必敗之不如從事以為更有別帥而規杜非也

齊乃伐齊師敗之注獲齊車五百乘事見哀十五年

音義見贊齊侯致糕媚杏於衛注三邑皆齊西界以

答謝衛意音義糕諸若反媚武齊侯賞犁彌犁彌辭

曰有先登者臣從之  
皙憤而衣狸製注皙白也憤齒

上下相值製裘也音義

皙星歷反憤音策又音賁說文作齧音義同衣於既反狸

力之反疏注正義曰詩君子偕老之篇說夫人之美云揚且之皙皙是面白之名故為白也說

文云齧齒相值也言齒長而白上下之齒相當也說文云製裁也衣狸製謂著狸皮也裁皮著之明是裘

矣故以製為裘也月令孟冬天子始裘傳言秋齊侯伐夷儀周之秋未寒而衣裘者哀二十七年傳言陳

成子衣製杖戈文在秋上製亦裘也然則在公使視軍之服或臨時所須不可以寒暑常節約之

東郭書曰乃夫子也吾貺子注貺賜也音義貺况音公

賞東郭書辭曰彼賓旅也注言彼與我若賓主相讓



旅俱進退乃賞犂彌齊師之在夷儀也齊侯謂夷儀

人曰得敝無存者以五家免注給其五家令常不共

役事音義

令力呈反  
共音恭

疏

正義曰一人得之則以五家給所得者令常不共國家

役事服虔云是時齊克夷儀而有之既為齊有故齊得優其為役也然夷儀故邢都也邢滅入衛後乃屬晉自齊而伐夷儀其入晉竟深矣不必永為齊有當時暫得之耳乃得其尸公三禭

之注禭衣也比殯三加禭深禮厚之音義

禭音遂比必利反

疏

正義曰送死之禮衣服曰禭故以禭為衣也公三禭之則明三時與衣自死至殯有襲與小斂大

斂比殯三加衣也無存舊是賤人蓋初以士服次大夫服次卿服也下與之屏軒屏軒是卿車明三禭終

以卿服

與之犀軒與直蓋注犀軒卿車直蓋高蓋疏注

義曰說文云軒曲旃也謂軒車有蕃蔽也下云齊侯  
綴諸大夫之軒邠意茲乘軒意茲非卿也傳稱曹乘  
軒者三百人詩毛傳云大夫以上赤芾乘軒大夫亦  
乘軒矣指言卿車者言以貴者賞之也魚軒以魚皮  
為飾犀軒當以犀皮為飾也考工記車人為蓋不言  
有曲此云直蓋或時有曲直故云直蓋高蓋亦謂車  
也蓋而先歸之坐引者以師哭之注停喪車以盡哀也

君方為位而哭故挽喪者不敢立音義挽音晚親推之

三注齊侯自推喪車輪三轉音義推如字又也回反

春秋左傳注疏卷五十五

春秋左氏傳注疏卷五十五考證

傅子浦曰吾未知吳道注道猶法術○臣浩按杜所以

解為法術者以時吳已據楚不得言吳之道路也法術謂吳人攻戰之術

傳奔楚為堂谿氏○臣召南按後漢郡國志汝南郡吳

房有棠谿亭

公侵鄭○林堯叟曰自宣之季年凡伐不言公魯無君將之事八十年矣自是書公侵鄭則以公山不狃侯

犯陽虎之專也故曰政逮于大夫四世矣故夫三桓之子孫微矣

季孫斯仲孫忌帥師圍鄆注何忌不言何闕文○呂祖謙曰仲孫忌之為脫文無疑矣公羊以為譏二名非是

傳公侵鄭取匡注取匡不書歸之晉○趙汭補注曰杜氏知匡歸晉者以非鄰國不能有其地

傳子期又以陵師敗于繁揚○林堯叟曰以上文有舟

師故以陵師敗之

傳於是乎遷郢於郟○臣召南按郟即漢時南郡之江

陵郟即若縣後漢以為郟縣者也漢志若楚昭王畏  
吳自郟徙此後復還郟顏師古注曰春秋傳作郟其  
音同是也

齊侯鄭伯盟于鹹○林堯叟曰此特相盟也特相盟自  
齊桓以來未之有也於是再見諸侯無主盟矣是故  
書石門以志諸侯之合書鹹以志諸侯之散此春秋

之始終也

九月大雩疏劉以賈言規杜。監本脫劉以二字今添  
晉士鞅帥師侵鄭遂侵衛。林堯叟曰晉始伐與國也  
於襄之二十三年齊始叛晉取朝歌去年鄭始叛晉  
盟齊于鹹衛始叛晉盟齊于沙于是侵鄭衛又明年  
及齊平雖魯亦叛晉矣故悉書之也

葬曹靖公疏謚法共以解信曰靖。推尋文義似應作  
共已鮮言曰靖

傳魯於是始尚羔。○臣召南按晉范鞅將中軍是上卿

趙鞅荀寅蓋上下軍將下卿也唯上卿執羔餘俱執雁以晉例魯則唯季孫可執羔叔孫孟孫皆宜執雁耳

傳將歆涉佗按衛侯之手及挽注血至挽。○趙汭補注曰傳不言見血杜注甚矣言及挽者以大夫辱國君詳其事也。臣照按按衛侯之手及挽杜云血至挽非以刀傷其手也蓋歆血之時擠血以濺其手流至挽

耳故杜云血至挽趙汭謂傳不言見血杜注甚矣似以血為衛侯傷手流血而不知其為所歎之牛血也傳靜女之三章取彤管焉疏生子月辰則以金環退之○退監本訛作進今改正

傳乃過中牟疏戎事上下同服○下監本訛作衣今改正

春秋左氏傳注疏卷五十五考證



欽定四庫全書

春秋左傳注疏卷五十六

起定公十年  
盡十五年

晉杜氏注 唐陸德明音義 孔穎達疏

經十年春王三月及齊平注平前八年再侵齊之怨

夏公會齊侯于夾谷注平故音義

夾古洽反又古協反  
二傳作頰谷古木反

公至自夾谷注無傳

晉趙鞅帥師圍衛

齊人來歸鄆謹龜陰田注三邑皆汶陽田也泰山博縣

北有龜山陰田在其北也會夾谷孔子相齊人服義而

歸魯田音義

鄆音運謹火官反疏注正義曰傳言孔丘

令反汶陽之田乃與之盟齊人為是歸此三邑知三邑

皆汶陽田也土地名汶水出泰山萊蕪縣西南經濟北

至東平須昌縣入濟則汶水發源東北而西南流也水

北曰陽此三邑皆在汶水北近齊因陽虎出奔取為

已而今服義而歸魯也僖元年公賜季友汶陽之田季

氏世脩其德不應失其采邑則此汶陽之田當為季氏

采地今復有此三邑者汶水之北皆名汶陽其地多矣

蓋季氏私邑之外別有此田也龜山名也山北曰陰田

在龜山北其邑即龜陰為名故云三邑

叔孫州仇仲孫何忌帥師圍郕注郕叔孫氏邑音義

郕音

后字林  
下溝反

秋叔孫州仇仲孫何忌帥師圍郕

宋樂大心出奔曹注傳在前年春書名罪其稱疾不適  
晉宋公子地出奔陳注貪弄馬以距君命書名罪之也

音義

弄魯  
貢反

冬齊侯衛侯鄭游速會于安甫注無傳安甫地闕

叔孫州仇如齊

宋公之弟辰暨仲佗石彊出奔陳注暨與也宋公寵向

魍不聽辰請辰忿而將大臣出奔虛請自忿稱弟示首惡也仲佗石彊皆為國卿不能匡君靜難而為辰所牽

帥出奔稱名亦罪之也音義

暨其器反佗徒何反彊苦候反魍大回反難乃旦反

疏

注正義曰暨與也釋詁文凡大夫出奔書名皆是罪惡故杜迹其為罪之狀解其書名之由地既出奔辰

為之請請而不許是虛其請也公唯不許而已未嘗責其妄請不被迫逐自忿出奔是辰之罪也釋例曰宋辰率羣卿以背宗國披大邑以成叛逆故以首惡稱弟是言稱弟示首惡也杜知是首惡者以其特云宋公之弟辰暨仲佗石彊是辰牽率仲佗石彊故云首惡也若不為首惡當如昭二十二年宋華亥向寧華定出奔楚不須暨字以間之

傳十年春及齊平○夏公會齊侯于祝其實夾谷注

夾谷卽祝其也孔丘相注相會儀也音義

相息亮反注同犁

彌言於齊侯曰孔丘知禮而無勇若使萊人以兵劫

魯侯必得志焉注萊人齊所滅萊夷也音義

劫居疏業反

注正義曰襄六年齊侯滅萊萊東萊黃縣是也地在東邊去京師大遠孔丘謂之裔夷之俘言是遠夷囚俘知是滅萊所獲此人是其遺種也齊不自使齊人而令萊人劫魯侯者若使齊人執兵則魯亦陳兵當之無由得劫公矣使此萊夷望魯齊侯從之孔丘以人不覺出其不意得伺間執之

公退曰士兵之注以兵擊萊人兩君合好而裔夷之

俘以兵亂之注裔遠也音義

好呼報反下同裔以制反俘芳夫反

非齊

君所以命諸侯也裔不謀夏夷不亂華俘不干盟兵

不偏好於神為不祥注盟將告神犯之為不善音義

夏戶雅反

疏

正義曰夏大也中國有禮儀之大故稱夏有服章之美謂之華華夏一也

東夷其地又遠裔不謀夏言諸夏近而萊地遠夷不亂華言萊是夷而魯是華二句其旨大同各令文相

對於德為愆義於人為失禮君必不然齊侯聞之遽

辟之注辟去萊兵也音義

愆去連反遽其遽反辟婢亦反又音避注同去起呂

反將盟齊人加於載書曰齊師出竟而不以甲車三

百乘從我者有如此盟注如此盟詛之禍音義竟音境乘

繩證反詛 孔丘使茲無還揖對曰注無還魯大夫音

側據反 義還音旋 而不反我汶陽之田吾以共命者亦如之注

須齊歸汶陽田乃當共齊命於是孔子以公退賤者

終其事要盟不潔故略不書音義共音恭注同 疏注

義曰齊魯既平當兩相從意齊人既令魯以三百乘

從魯不可即拒故須齊歸汶陽之田乃當共齊三百

乘之命則得汶陽之田足當三百乘也賈逵云不書

盟諱以三百乘從齊師其意以宣七年盟于黑壤而

不書經傳言晉侯之立也公不朝又不使大夫聘晉

人止公于會公不與盟不書盟諱之也緣彼有諱謂

此亦諱案此會孔丘相反汶陽之田以共齊命孔丘  
意也得其三邑而以三百乘從之為相當矣於魯不  
為負何以諱其盟即以三邑田少不足以當三百乘  
孔丘不應唯令反此而已今令反此共命必其足以  
相當何以諱其從齊也若三百乘從齊必是可諱孔  
丘為相義不能拒則孔丘為有罪矣何貴乎聖人也  
故杜以為於是孔子以公退賤者終其事要盟不潔  
故略不書釋例曰夾谷之會齊侯劫公孔丘以義叱  
之以兵威之將盟又使茲無還責侵田拒齊之享屈  
疆國正典儀此聖人之大司也徒以二君雖會而兵  
刃相要二國微臣共終盟事故賤而不書非  
所諱也舊說同於黑壤之辱為負仲尼也 齊侯將  
享公孔丘謂梁丘據曰齊魯之故吾子何不聞焉注  
故舊典事既成矣注會事成而又享之是勤執事也



且犧象不出門嘉樂不野合注犧象酒器犧尊象尊

也嘉樂鍾磬也音義

犧許宜息倚反

注反又疏注正義曰周禮司尊彝云春祠

夏禴裸用雞彝鳥彝其朝踐用兩獻尊其再獻用兩象尊鄭眾云獻讀為犧犧尊飾以翡翠象尊以象鳳

凰阮謚三禮圖犧尊畫牛以飾象尊畫象以飾當尊腹上畫牛象之形王肅以為犧尊象尊為牛象之形

背上負尊魏太和中青州掘得齊大夫子尾送女器為牛形而背上負尊古器或當然也周禮大司樂云

雲門之舞冬至日於地上之國丘奏之若樂六變則天神皆降可得而禮矣咸池之舞夏日至於澤中之

方丘奏之若樂八變則地祇祭出可得而禮矣圓丘方丘皆是野澤二者並是大祭必當備設尊俎而云

嘉樂不野合犧象不出門者此言不出門不野合者禮而行尊得出門樂得野合

謂享燕正禮當設於宮內不得違禮而行妄作於野

耳非謂祭祀之大禮也諸侯相見之禮享在廟燕在

寢不得行於野僖二十八年晉侯朝王于踐土王享

醴命之宥襄十年宋公享晉侯于楚丘請以桑林十

九年公享晉六卿于蒲圃二十七年鄭伯享趙孟于

垂隴如此之類春秋多矣或特賞殊功或畏敬大國

皆權時之事非正禮也此時齊魯敵國釋怨和平未

有殊異之歡無假非常之事孔子知齊懷詐慮其掩

襲託正禮以拒饗而既具是棄禮也若其不具用秕

之故言不野合稗也注秕穀不成者稗草之似穀者言享不具禮穢

薄若秕稗音義

秕音鄙字林音比又必履反稗皮賣反

用秕稗君辱棄

禮名惡子盍圖之夫享所以昭德也不昭不如其已

也乃不果享注孔子知齊侯懷詐故以禮距之音義

盍戶臘反下同

齊人來歸鄆謹龜陰之田注陽虎九年以此

奔齊經文倒者次魯事疏

注正義曰八年陽虎入于謹陽關以叛九年代陽關

陽虎奔齊其時虎以謹去鄆與龜陰亦從之皆為齊所取至今始歸之歸田之經在趙鞅圍衛之後與傳文倒者傳次魯事進此歸田於上令與盟事相接故也

○晉趙鞅圍衛報夷儀

也注前年齊為衛伐晉夷儀故伐衛以為報音義為衛

于偽反

初衛侯伐邯鄲午於寒氏注邯鄲廣平縣也午

晉邯鄲大夫寒氏即五氏也前年衛人助齊伐五氏

音義

郟音寒  
鄆音丹

城其西北而守之宵燭注午衆宵散音

義

城其西北而守之一本或作城其西北隅燭子潛反

疏

正義曰築城於其西北之地而守之也本

或北下有隅昭二十五年傳陷西北隅以入又云登西北隅以望涉彼而誤耳今定本有疑誤

及晉

圍衛午以徒七十人門於衛西門殺人於門中曰請

報寒氏之役注衛開門與午鬪涉佗曰夫子則勇矣

然我往必不敢啓門亦以徒七十人旦門焉步左右

皆至而立如植注至其門下步行門左右然後立待

如立木不動以示整音義

佗徒何反植市力反一音直

疏

正義曰涉佗以

徒七十人旦往門焉涉佗先至步行門  
之左右然後其徒皆至而立如植木然日中不啓門

乃退反役晉人討衛之叛故曰由涉佗成何注援衛  
侯手故於是執涉佗以求成於衛衛人不許晉人遂  
殺涉佗成何奔燕君子曰此之謂棄禮必不鈞注言  
必見殺不得與人等詩曰人而無禮胡不遄死涉佗

亦遄矣哉注詩鄘風遄速也音義遄市專反○初叔孫成

子欲立武叔公若藐固諫曰不可注藐叔孫氏之族

音義藐音邈又亡小反成子立之而卒公南使賊射之不能

殺注公南叔孫家臣武叔之黨音義

射食亦反下及注同

公南

為馬正使公若為郈宰武叔既定使郈馬正侯犯殺

公若弗能其圍人曰注武叔之圍人吾以劍過朝公

若必曰誰之劍也吾稱子以告必觀之吾偽固而授

之末則可殺也注偽為固陋不知禮者以劍鋒末授

之音義

鋒芳疏注正義曰少儀說以器物授人之禮逢反云刀卻刀授穎削授拊凡有刺刃者

以授人則辟刃鄭玄云穎銀也拊謂把辟刃不以正

鄉人也是禮授刀劍當以鋒刃自鄉而授其銀今圍人偽為固陋不知禮者以劍使如之疏正義曰言使

鋒末授之欲因推而殺之

劍使如之疏

正義曰言使為如此之計

而欲殺之公若曰爾欲吳王我乎注見劍向已逆呵之鱗

諸殺吳王亦用劍刺之音義

向許亮反亦作嚮呵呼多反刺七亦反

遂

殺公若犯侯以郈叛注犯以不能副武叔之命故叛

叛而以圍告廟故書圍疏

注正義曰昭十三年南蒯以費叛注云不書不告廟

八年陽虎叛注云叛不書略家臣此侯犯以郈叛不書者亦為不告廟略家臣也不書叛而書圍與動大衆以圍告廟故書圍也然則九年伐陽關討陽虎亦應書而不書者蓋師少不告廟故不書

武叔

懿子圍郈弗克秋二子及齊師復圍郈弗克叔孫謂

郈工師駟赤注工師掌工匠之官音義

復扶又反

曰郈非

唯叔孫氏之憂社稷之患也將若之何對曰臣之業在揚水卒章之四言矣注揚水詩唐風卒章四言曰

我聞有命音義

在揚水卒章本或作揚之水卒章

疏

注正義曰唐詩揚之水刺晉昭

公也昭公分國以封沃沃疆或昭公微弱國人將叛而歸沃焉其三章云揚之水白石粼粼我聞有命不敢以告人注云開曲沃有善政命不敢以告人鄭箋云不敢以告人而去者畏昭公謂已動民心

叔

孫稽首注謝其受已命駟赤謂侯犯曰居齊魯之際而無事必不可矣注無所服事子盍求事於齊以臨民不然將叛侯犯從之齊使至駟赤與邠人為之宣



言於郈中注詐為齊使言也音義

使所吏反注同為之于偽反下注為

齊同曰侯犯將以郈易于齊齊人將遷郈民注謂易其

民人衆兇懼注不欲遷音義

兇音凶一音凶勇反

駟亦謂侯犯

曰衆言異矣注不與始同子不如易於齊與其死也

猶是郈也而得紓焉何必此注言以郈民易取齊人

與郈無異勝於守郈為叛人所殺音義

紓音舒

齊人欲

以此偏魯必倍與子地注言非徒得民又將得齊地

音義

偏彼力反倍步罪反

且盍多舍甲於子之門以備不虞侯

犯曰諾乃多舍甲焉侯犯請易於齊齊有司觀郈將  
至駟赤使周走呼曰齊師至矣郈人大駭介侯犯之  
門甲以圍侯犯駟赤將射之注偽為侯犯射郈人音

義

呼火故反  
介音界

侯犯止之曰謀免我侯犯請行許之注

郈人許之駟赤先如宿注宿東平無鹽縣故宿國侯

犯殿每出一門郈人閉之注閉其後門音義

殿丁及  
見反

郭門止之曰子以叔孫氏之甲出有司若誅之注誅  
責也羣臣懼死駟赤曰叔孫氏之甲有物吾未敢以

出注物識也赤還救侯犯也音義

識申志反 犯謂馬

赤曰子止而與之數注數甲以相付音義

數色主四反注同馬

赤止而納魯人侯犯奔齊齊人乃致邱注致其名簿

也為下武叔如齊傳音義

簿步古反

○宋公子地嬖蕞富

獵注地宋景公弟辰之兄也音義

嬖必計反蕞其居反獵力軌反

十

一分其室而以其五與之注與富獵也公子地有白

馬四公嬖向魋魋欲之注向魋司馬桓魋也公取而

朱其尾鬣以與之注與魋也音義

鬣力軌反爾雅舍人注云馬駿也駿

牙工反

疏

正義曰爾雅舍人注云鬣鬣也

地怒使其徒扶魑而奪之魑

懼將走公閉門而泣之目盡腫母弟辰曰子分室以

與獵也而獨卑魑亦有頗焉子為君禮注禮辟君也

音義

扶救乙反腫章勇反頗普多反

不過出竟君必止子公子地出

奔陳公弗止辰為之請弗聽辰曰是我迂吾兄也注

迂欺也音義

竟音境辰為于偽反下猶為同迂求徃反又古况反

吾以國人出

君誰與處冬母弟辰暨仲佗石彊出奔陳注佗仲幾

子彊褚師段子皆宋卿衆之所望故言國人音義

褚張

反呂○武叔聘于齊注謝致郈也經書辰奔在聘後者

從告齊侯享之曰子叔孫若使郈在君之他竟寡人何知焉屬與敝邑際故敢助君憂之注以致郈德叔

孫音義屬音對曰非寡君之望也所以事君封疆社

稷是以注以猶為也音義疆居良反敢以家隸勤君之執

事夫不令之臣天下之所惡也君豈以為寡君賜注

言義在討惡非所以賜寡君音義惡烏路反十一年

字

傳注皆同一音如

經十有一年春宋公之弟辰及仲佗石彊公子地自陳

入于蕭以叛注蕭宋邑稱地例在前年

疏正義曰莊十二年宋萬

弑閔公蕭叔大心者宋蕭邑大夫也平宋亂立桓公宋人嘉之以蕭邑封叔為附庸宣十二年楚子滅之復為

宋邑故辰等今入之以叛也

夏四月

秋宋樂大心自曹入于蕭注入蕭從叛人叛可知故不

書叛

冬及鄭平注平六年侵鄭取匡之怨叔還如鄭涖盟注

還叔詣會孫音義

還是叔弓會孫此云叔詣誤也還音旋還叔詣會孫案世族譜叔

疏

注正義曰世族譜云叔還叔弓會孫也又世本云叔弓生定伯闕闕生西巷敬叔叔生成子還還為叔弓會孫

杜云叔詣會孫傳寫誤耳

傳十一年春宋公母弟辰暨仲佗石彊公子地入于

蕭以叛秋樂大心從之大為宋患寵向魋故也注惡

宋公寵不義以致國患○冬及鄭平始叛晉也注魯

自僖公以來世服於晉至今而叛故曰始

經十有二年春薛伯定卒注無傳四年盟臯魋疏

注正義曰

定以昭三十二年即位其年大夫盟于狄泉以未告公而公薨經無明文故不數

夏葬薛襄公注無傳

叔孫州仇帥師墮郈注墮毀也患其險固故毀壞其城

音義

墮許規反注及下傳疏注正義曰昭十三年南蒯同壞音怪又戶怪反以費叛連年伐而不克十

年侯犯以郈叛一年再圍而不克良由其城險固家臣數以背叛仲由為季氏宰進計季孫防其後患令墮三都以是故毀壞其城慮其拒之故帥師而往公羊傳曰孔子行乎季孫三月不違曰家無藏甲邑無百雉之城於是帥師墮郈帥師墮費左氏不言孔子之計當是仲由自立此謀但傳稱費人襲魯而仲尼在焉是仲尼知其事謂墮之為是故不禁也釋例曰三都疆盛以奪三家之權陪臣執政下陵上替故仲由墮之而仲尼不禁



帥師登臺僅不皆克直隨事而書以示三家之彊無義例也

衛公孟彊帥師伐曹注彊孟繫子音義

羆苦侯反疏義

曰世族譜云孟繫無子靈公以其子彊為之後也為後則為其子故云孟繫子此實公孫而不稱公孫者繫字公孟故即以公孟為氏劉炫謂公孟生得賜族故彊即以族告

季孫斯仲孫何忌帥師墮費音義

費音

秋大雩注無傳書過音義

雩音

冬十月癸亥公會齊侯盟于黃注無傳結叛晉

十有一月丙寅朔日有食之注無傳

公至自黃注無傳

十有二月公圍成公至自圍成注無傳國內而書至者

成疆若列國興動大衆故出入皆告廟疏

注正義曰成魯邑國內用

兵計不應書而出入皆書者為興動大衆皆告廟也釋例曰陪臣執命大都耦國仲由建墮三都之計而成人不從故公親圍之雖不越竟動衆與兵大其事故出入皆告於廟

傳十二年夏衛公孟彊伐曹克郊注郊曹邑還滑羅

殿注羅衛大夫音義

滑于八反殿丁見反下同

未出不退於列注

未出曹竟羅不退在行列之後音義

竟音境行戶郎反

其御

曰殿而在列其為無勇乎羅曰與其素厲寧為無勇

注素空也厲猛也言伐小國當如畏者以誘致之疏

正義曰羅以曹國小弱不敢來追衛師而在後為殿是空設嚴猛等與其空為嚴猛寧為無勇示弱誘之

使曹人不憚以為後圖 ○仲由為季氏宰注仲由子路將墮三

都注三都費郈成也彊盛將為國害故仲由欲毀之

於是叔孫氏墮郈季氏將墮費公山不狃叔孫輒帥

費人以襲魯注不狃費宰也輒不得志於叔孫氏公

與三子入于季氏之宮登武子之臺費人攻之弗克

入及公側注至臺下仲尼命申句須樂頎下伐之注

二子魯大夫仲尼時為司寇音義

句音劬疏注正義頎音祈曰史記

孔子世家云定公以孔子為中都宰一年四方皆則之由中都宰為司空由司空為大司寇十年會于夾谷時已為司寇矣十四年孔子由大司寇攝行相事是此時仲尼為司寇費人北國人追

之敗諸姑蔑二子奔齊注二子不狃叔孫輒遂墮費

將墮成公斂處父謂孟孫墮成齊人必至于北門注

成在魯北竟故且成孟氏之保障也無成是無孟氏

也子偽不知注佯不知音義

障之尚反又音章子偽不知竝如字一本偽作

為伴本亦作陽音同

我將不墮冬十二月公圍成弗克

經十有三年春齊侯衛侯次于垂葭注二君將使師我

晉次垂葭以為之援音義

葭音加

夏築蛇淵囿注無傳書不時也音義

囿音又

大蒐于比蒲注無傳夏蒐非時音義

蒐所求反比音毗

衛公孟彊帥師伐曹注無傳

秋晉趙鞅入于晉陽以叛注書叛惡可知

冬晉荀寅士吉射入于朝歌以叛注吉射士鞅子音義

射食亦反又食  
夜反朝如字

晉趙鞅歸于晉注韓魏請而復之故曰

歸言韓魏之強猶列國

疏

注正義曰成十八年傳例曰凡去其國諸侯納之曰歸此

傳稱韓魏以趙氏為請故趙鞅得稱歸韓魏非諸侯亦從諸侯納之例者韓魏之彊猶列國也釋例曰韓魏有耦國之彊陳蔡有復國之端故晉趙鞅楚公子比皆稱歸從諸侯納之例言非晉楚之所能制也

薛弒其君比注無傳稱君無道

傳十三年春齊侯衛侯次于垂葭實耶氏注垂葭改

名耶氏高平鉅野縣西南有耶亭音義

耶古闕反疏注正義曰

釋例曰經書所改之名則傳以實明之許遷于夷實城父齊侯衛侯次于垂葭實耶氏之比是也則是先

名耶氏後名垂葭而此云垂葭改名耶氏者杜意以  
為垂葭是新改之名本是耶氏也故以結之與釋例  
不違劉炫以杜注自違釋例以為地無新舊之異止  
是一地二名若如劉言案許遷于夷實城父經書夷  
齊侯衛侯次于垂葭實耶氏經書垂葭許遷于析實  
白羽以此準之經應書析不應書白羽公會齊侯于  
祝其實夾谷經應書祝其不應書夾谷杜以文同事  
異故以新舊明之劉不細尋經傳以規杜過非也

使師伐晉將濟河諸大夫皆曰不可邴意茲曰可注

意茲齊大夫音義

邴彼命反  
又音丙

銳師伐河內注今河內

汲郡傳必數日而後及絳注傳告晉音義

傳直繼反  
又直專反

注同數  
所主反絳不三月不能出河則我既濟水矣乃伐河

內齊侯皆斂諸大夫之軒唯邴意茲乘軒注以其言

當音義

當丁良反

齊侯欲與衛侯乘注共載音義

乘繩證反下同

與之宴而駕乘廣載甲焉使告曰晉師至矣齊侯曰

比君之駕也寡人請攝注以已車攝代衛車音義

廣古

曠反必利反

乃介而與之乘驅之或告曰無晉師乃止注

傳言齊侯輕所以不能成功音義

介音界輕遣政反

疏

正義曰齊

侯輕脫欲得與衛侯同乘先與之宴飲而先駕乘廣於門外豫於廣車之上而載甲焉飲未終而使人告

曰晉師至矣齊侯謂衛侯曰比及君之駕至以來君既未有兵車寡人請以已車攝代衛車與君同乘齊



侯乃著甲而與衛侯共乘驅之而行或告無晉師乃止傳載此者言齊侯之輕所以不能成功○晉

趙鞅謂邯鄲午曰歸我衛貢五百家吾舍諸晉陽午

許諾注十年趙鞅圍衛衛人懼貢五百家鞅置之邯

鄲今欲徙置晉陽晉陽趙鞅邑音義著丁路反歸告其父

兄父兄皆曰不可衛是以為邯鄲注言衛以五百家

在邯鄲常為是故與邯鄲親音義為于偽反注同音如字而寘

諸晉陽絕衛之道也不如侵齊而謀之注侵齊則齊

當來報欲因懼齊而徙則衛與邯鄲好不絕音義寘之

呼反好報反乃如之而歸于晉陽注欲如是謀而後歸衛

貢趙孟怒召午而囚諸晉陽注趙鞅不察其謀謂午

不用命故囚之使其從者說劍而入涉賓不可注涉

賓午家臣不肯說劍入欲謀叛音義從才用反說他活反注同乃

使告邯鄲人曰吾私有討於午也二三子唯所欲立

注午趙鞅同族別封邯鄲故使邯鄲人更立午宗親

疏注正義曰世族譜趙衰趙夙之弟也衰生盾盾生

生旃旃生勝勝生午其家為耿氏計衰至鞅夙至午皆六代今俗所謂五從兄弟是同族也別封邯鄲世

不絕祀故使邯鄲人更立午之宗親遂殺午趙稷涉賓以邯鄲叛注稷

趙午子夏六月上軍司馬籍秦圍邯鄲邯鄲午荀寅

之甥也荀寅范吉射之姻也注壻父為姻荀寅子娶

吉射女疏注正義曰釋親云女子子之夫為壻壻之父為姻知荀寅子娶吉射女也而相

與睦故不與圍邯鄲將作亂注作亂攻趙鞅音義不與

音預又董安于聞之注安于趙氏臣疏正義曰史記云安于性緩

如字董安于聞之注安于趙氏臣疏正義曰史記云安于性緩告趙孟曰先備諸趙孟曰晉國有命

始禍者死為後可也安于曰與其害於民寧我獨死

注懼見攻必傷害民請以我說趙孟不可注晉國若  
討可殺我以自解說秋七月范氏中行氏伐趙氏之

宮趙鞅奔晉陽晉人圍之范臯夷無寵於范吉射而

欲為亂於范氏注臯夷范氏側室子音義行戶郎反梁嬰

父嬖於知文子注文子荀躒音義知音文子欲以為

卿疏

正義曰既欲以為卿則當去范中行二氏乃始得立言此者明文子欲為亂以去之韓簡

子與中行文子相惡注簡子韓起孫不信也中行文

子荀寅也音義

惡如字又烏路反下同

魏襄子亦與范昭子相

惡注襄子魏舒孫曼多也昭子士吉射音義曼音萬故

五子謀注五子范臯夷梁嬰父知文子韓簡子魏襄

子將逐荀寅而以梁嬰父代之逐范吉射而以范臯

夷代之荀躒言於晉侯曰君命大臣始禍者死載書

在河注為盟書沈之河音義

躒力狄反沈如字又音鴉

今三臣始

禍而獨逐鞅刑已不鈞矣請皆逐之冬十一月荀躒

韓不信魏曼多奉公以伐范氏中行氏弗克二子將

伐公齊高彊曰三折肱知為良醫注高彊齊子尾之

子昭十年奔魯遂適晉音義

三如字又息暫反折之設反肱古弘反唯

伐君為不可民弗與也我以伐君在此矣三家未睦

注三家知韓魏可盡克也克之君將誰與若先伐君

是使睦也弗聽遂伐公國人助公二子敗從而伐之

丁未荀寅士吉射奔朝歌韓魏以趙氏為請注經所

以書趙鞅歸十二月辛未趙鞅入于絳盟于公宮注

傳錄晉衰亂○初衛公叔文子朝而請享靈公注欲

令公臨其家音義

令力呈反

退見史鱣而告之注史鱣史

魚音義

秋 鱮音

史鱮曰子必禍矣子富而君貪其及子

乎文子曰然吾不先告子是吾罪也君既許我矣其

若之何史鱮曰無害子臣可以免注言能執臣禮富

而能臣必免於難上下同之注言尊卑皆然音義

難乃

旦反下注同

戍也驕其亡乎注戍文子之子富而不驕者

鮮吾唯子之見驕而不亡者未之有也戍必與焉注

與禍難音義

鮮息淺反與音預注同

及文子卒衛侯始惡於公

叔戍以其富也公叔戍又將去夫人之黨注靈公夫

人南子黨宋朝之徒音義

惡烏路反去起呂反朝如字

疏

注正義曰傳於

明年始云衛侯為夫人南子召宋朝此年言夫人之黨杜已云宋朝之徒者靈公之召宋朝又在前矣明年為宋人歌而發端非明年始召之夫人愬之曰戌將為亂注為明年

戌來奔傳音義

愬音素

經十有四年春衛公叔戌來奔衛趙陽出奔宋注陽趙

廩孫書名者親富不親仁音義

廩於減反

疏

注正義曰案世本懿子兼生昭

子舉舉生趙陽兼即廩也

二月辛巳楚公子結陳公孫佗人帥師滅頓以頓子牂



歸音義

佗吐何反又徒何反牂子郎反

夏衛北宮結來奔注亦黨公叔成皆惡之音義

惡鳥路反

五月於越敗吳于攜李注於越越國也使罪人詐吳亂陳故從未陳之例書敗也攜李吳郡嘉興縣南醉李城

音義

攜音醉依說文從木陳直覲反下同

疏

注正義曰於越即越也夷言發聲謂之於越彼從俗而名

之也傳稱陳于攜李則是皆陳而從未陳之例云敗吳者越使罪人詐吳亂吳之陳使不得用力故從未陳之例書敗也釋例云長勺之役雖俱陳而鼓音不齊攜李之役勾踐患吳之整以死士亂吳雖皆已陳猶以從未陳例者其權詐也

吳子光卒注未同盟而赴以名

公會齊侯衛侯于牽注魏郡黎陽縣東北有牽城音義

黎力兮反公至自會注無傳

秋齊侯宋公會于洮注洮曹地音義

洮吐刀反

天王使石尚來歸賑注無傳石尚天子之士石氏尚名

賑祭社之內盛以蜃器以賜同姓諸侯親兄弟之國與

之共福音義

賑市軫反盛音成

疏注正義曰杜以天子上士中士俱稱名氏石尚必是士矣

但不知為是上士為是中士故注直云士耳必非下士釋例曰王之公卿皆書爵大夫書字元士中士稱名劉

夏石尚是也下士稱人公會王人于泚是也杜知然者  
周禮典命云王之三公八命其卿六命大夫四命大夫  
既四命則士三命也故鄭玄云王之上下三命中士再  
命下士一命曲禮云列國之大夫入天子之國曰某士  
得不以命數當天子之士故稱士也襄二十六年晉韓  
起聘于周自稱曰晉士起是諸侯之卿與天子之士命  
數同也以諸侯之卿三命再命皆書名氏大夫一命則  
稱人知天子上士中士稱名氏下士則稱人也成十三  
年傳曰國之大事在祀與戎祀有執膳戎有受脰先儒  
及杜緣彼傳文知是定例故解此云祭社之肉盛以蜃  
器以賜同姓諸侯周禮大宗伯云以膳脰之禮親兄弟  
之國大行人云歸脰以交諸侯之福是以祭肉賜諸侯  
與之共福也

衛世子蒯聵出奔宋音義

蒯苦怪反  
聵五怪反

衛公孟彊出奔鄭注彊書名與蒯瞶黨罪之

宋公之弟辰自蕭來奔注無傳稱宋公之弟例在十年

大蒐于比蒲音義

毗比音

邾子來會公注無傳會公于比蒲來而不用朝禮故曰

會疏

注正義曰莊二十三年公及齊侯遇于穀蕭叔朝公就遇處行朝禮故曰朝此就蒐處行會禮而不

用朝禮故曰會也言不用朝禮辨其與蕭叔文異

城莒父及霄注無傳公叛晉助范氏故懼而城二邑也

此年無冬史闕文音義

父音甫疏

注正義曰城邑之由傳無其說以傳稱公會齊

侯衛侯謀救范中行氏知為叛晉之故懼而成此二邑也無冬闕文自是常事特辯此者說公羊者以此城在冬故去冬字何休云是歲孔子由大司寇攝相事齊人饋女樂孔子去言去冬者貶之也或說無冬者坐受女樂令聖人去冬陰臣之象言去冬見無臣也杜以此為妄說且明城實在秋是非時而城故特辯冬闕

傳十四年春衛侯逐公叔戌與其黨故趙陽奔宋戌

來奔注終史魚之言○梁嬰父惡董安于謂知文子

曰不殺安于使終為政於趙氏趙氏必得晉國盍以

其先發難也討於趙氏文子使告於趙孟曰范中行

氏雖信為亂安于則發之是安于與謀亂也晉國有

命始禍者死二子既伏其罪矣敢以告注告使討安

于音義

惡烏路反知文音智蓋戶臘反難乃旦反與音預

趙孟患之安于曰

我死而晉國寧趙氏定將焉用生人誰不死吾死莫

矣乃縊而死音義

焉於度反莫音暮縊一四反

疏

正義曰安于請趙孟先備趙孟

不從其言則安于其無罪矣但安于之謀國人聞之梁嬰父忌其知謀恐趙氏彊盛假此事而罪之趙鞅叛而得還不致違趙孟尸諸市而告於知氏曰主命命故安于自縊死

戮罪人安于既伏其罪矣敢以告知伯從趙孟盟注

知伯苟躒而後趙氏定祀安于於廟注趙氏廟疏

正義

曰禮臣有大功配食於廟周禮司勳云凡有功名者  
銘書於王之太常祭於太蒸司勳詔之尚書盤庚告  
其卿大夫云茲子大享于先王爾祖其從與享之孔  
安國云古者天子錄功臣配食於廟大享烝嘗也天  
子既有此禮諸侯或亦有之今趙氏  
祀安于於趙氏之廟其意亦如此也 ○頓子詳欲事

晉背楚而絕陳好二月楚滅頓注傳言小不事大所

以亡音義

背音佩好  
呼報反

○夏衛北宮結來奔公叔戌之

故也○吳伐越注報五年越入吳越子句踐禦之陳

于攜李注句踐越王允常子音義

句古侯反  
陳直覲反

句踐患

吳之整也使死士再禽焉不動注使敢死之士往輒

為吳所禽欲使吳師亂取之而吳不動使罪人三行

屬劍於頸注以劍注頸音義

行戶郎反下同屬之欲反下同又之佳反

而

辭曰二君有治注治軍旅臣奸旗鼓注犯軍令不敏

於君之行前不敢逃刑敢歸死遂自剄也師屬之目

越子因而伐之大敗之靈姑浮以戈擊闔廬注姑浮

越大夫音義

劉古頂反本又作刳闔戶臘反

闔廬傷將指取其屨

注其足大指見斬遂失屨姑浮取之音義

將子匠反屨九具反

還卒於陘去攜李七里注釋經所以不書滅音義

陘音



侯衛侯謀救范中行氏知為叛晉之故懼而成此二邑也無冬闕文自是常事特辯此者說公羊者以此城在冬故去冬字何休云是歲孔子由大司寇攝相事齊人饋女樂孔子去言去冬者貶之也或說無冬者坐受女樂命聖人去冬陰臣之象言去冬見無臣也杜以此為妄說且明城實在秋是非時而城故特辯冬闕

傳十四年春衛侯逐公叔戌與其黨故趙陽奔宋戌

來奔注終史魚之言○梁嬰父惡董安于謂知文子

曰不殺安于使終為政於趙氏趙氏必得晉國蓋以其先發難也討於趙氏文子使告於趙孟曰范中行氏雖信為亂安于則發之是安于與謀亂也晉國有

命始禍者死二子既伏其罪矣敢以告注告使討安

于音義

燕烏路反知文音智盡戶  
臘反難乃旦反與音預

趙孟患之安于曰

我死而晉國寧趙氏定將焉用生人誰不死吾死莫

矣乃縊而死音義

馮於皮反莫音  
暮縊一四反

疏

正義曰安于請  
趙孟先備趙孟

不從其言則安于其無罪矣但安于之謀國人聞之  
梁嬰父忌其知謀恐趙氏疆盛假此事而罪之趙鞅  
叛而得還不敢違趙孟尸諸市而告於知氏曰主命  
命故安于自縊死

戮罪人安于既伏其罪矣敢以告知伯從趙孟盟注

知伯苟躒而後趙氏定祀安于於廟注趙氏廟疏

正義

曰禮臣有大功配食於廟周禮司勳云凡有功名者  
銘書於王之常祭於大烝司勳詔之尚書盤庚告  
其卿大夫云茲子大享于先王爾祖其從與享之孔  
安國云古者天子錄功臣配食於廟大享烝嘗也天  
子既有此禮諸侯或亦有之今趙氏  
祀安于於趙氏之廟其意亦如此也 ○頓子牂欲事

晉背楚而絕陳好二月楚滅頓注傳言小不事大所

以亡音義

背音佩好  
呼報反

○夏衛北宮結來奔公叔戌之

故也○吳伐越注報五年越入吳越子句踐禦之陳

于攜李注句踐越王允常子音義

句古侯反  
陳直親反

句踐患

吳之整也使死士再禽焉不動注使敢死之士往輒

為吳所禽欲使吳師亂取之而吳不動使罪人三行

屬劍於頸注以劍注頸音義行戶郎反下同屬之欲反下同又之佳反而

辭曰二君有治注治軍旅臣奸旗鼓注犯軍令不敏

於君之行前不敢逃刑敢歸死遂自剄也師屬之目

越子因而伐之大敗之靈姑浮以戈擊闔廬注姑浮

越大夫音義列古頂反本又作則闔戶臘反闔廬傷將指取其屨

注其足大指見斬遂失屨姑浮取之音義將子匠反屨九具反

還卒於陘去攜李七里注釋經所以不書滅音義陘音

敗范中行氏之師於潞獲籍秦高彊注二子黨范氏

者終景王言籍父無後音義

潞音路父音甫

又敗鄭師及范

氏之師于百泉注鄭助范氏故并敗

經十有五年春王正月邾子來朝

麇鼠食郊牛牛死改卜牛注無傳不言所食處舉死重

也改卜禮也音義

麇音兮處昌慮反

疏

正義曰爾雅云色黑而小有毒公羊以為不言

其所食漫也謂所食非一處穀梁注意亦然非杜意也

二月辛丑楚子滅胡以胡子豹歸

夏五月辛亥郊注無傳書過

壬申公薨于高寢注高寢宮名不於路寢失其所

鄭罕達帥師伐宋

齊侯衛侯次于渠蔭注不果救故書次音義

蔭直居反

邾子來奔喪注無傳諸侯奔喪非禮 疏注正義曰昭三

之喪士弔大夫送葬諸侯親自奔喪會葬皆非禮公羊亦云奔喪非禮也

秋七月壬申妣氏卒注定公夫人

八月庚辰朔日有食之注無傳

九月滕子來會葬注無傳諸侯會葬非禮也

丁巳葬我君定公雨不克葬戊午日下昃乃克葬辛巳

葬定姒注辛巳十月三日有日無月音義

昃音側疏正義曰穀

梁以為葬不為雨止禮也雨不克葬喪不以制也非左氏意公羊傳云定姒何以書葬未踰年之君也有子則廟廟則書葬公羊此意以為定姒是妾哀公之母以哀公為君未踰年故書其卒葬耳左氏以定姒實是夫人但禮不備不成喪是哀母以否傳無明說注正義曰此年八月庚辰朔二日則辛巳九月不得有辛巳也更盈一周則六十二日月有一大一小十月已卯朔三日得辛巳是有日無月也

冬城漆注邾庶其邑音義

漆音七

疏

注正義曰襄二十一年邾庶其以漆閭丘

來奔莊三十八年傳曰凡邑有宗廟先君之主曰都無  
曰邑邑曰築都曰城此稱城漆漆本邾邑不得有先君  
宗廟而稱城者釋例曰若邑有先君宗廟則雖小曰都  
尊其所居以大之也然則都而無廟固宜稱城漆是  
也而穎氏唯繫於先君之廟患漆本非魯邑因說曰漆  
有邾之舊廟是使魯人尊邾之廢廟與先君同非經傳  
意也是言漆是大都自應稱  
城言庶其邑者意在排舊說

傳十五年春邾隱公來朝注邾子益子貢觀焉邾子

執玉高其容仰公受玉卑其容俯注玉朝者之贄音

義贄

音疏

注正義曰曲禮云凡摯天子鬯天子尊無  
與敵者故執其鬯酒以對神諸侯珪是謂

玉為贄也周禮典瑞云公執桓圭侯執信圭伯執躬  
圭子執穀璧男執蒲璧以朝覲宗遇會同于王諸侯



相見亦如之是朝必執玉也

子貢曰以禮觀之二君者皆有死亡

焉夫禮死生存亡之體也將左右周旋進退俯仰於是乎取之朝祀喪戎於是乎觀之今正月相朝而皆不度注不合法度心已亡矣嘉事不體何以能久注嘉事朝禮高仰驕也卑俯替也驕近亂替近疾君為主其先亡乎注為此年公薨哀七年以邾子益歸傳音義替他計反近附近之近下皆同○吳之入楚也注在四年胡子盡俘楚邑之近胡者注俘取也楚既定胡子豹又不

事楚曰存亡有命事楚何為多取費焉二月楚滅胡

注傳言小不事大所以亡音義

費芳味反

○夏五月壬申

公薨仲尼曰賜不幸言而中是使賜多言者也注以

微知著知之難者子貢言語之士今言而中仲尼懼

其易言故抑之音義

中丁仲反注同微知著知之難竝如字又音智易以豉反

○

鄭罕達敗宋師于老丘注罕達子蓋之子老丘宋地

宋公子地奔鄭鄭人為之伐宋欲取地以處之事見

哀十二年音義

蓋才何反為于偽反見賢逸反

○齊侯衛侯次于蘧

挈謀救宋也音義

遂音渠挈女居反又女加反

○秋七月壬申如

氏卒不稱夫人不赴且不祔也注赴同祔姑夫人之

禮二者皆闕故不曰夫人音義

祔音附

疏

注正義曰夫人初薨赴於

同盟之國其辭當云夫人某氏薨是赴則成夫人也禮適妻祔於適祖姑妾祔於妾祖姑若得祔祖姑則亦成夫人矣此赴同祔姑皆是夫人之禮二者皆闕故不曰夫人薨二者果行一事則得稱夫人故此以解不稱夫人也葬定公雨不克襄事禮也注襄成也

雨不成事若汲汲於欲葬音義

葬息羊反

葬定如不稱小

君不成喪也注公未葬而夫人薨煩於喪禮不赴不

祔故不稱小君 臣子怠慢也 反哭於寢 故書葬 疏正義

曰傳直言不成喪也 不知闕少何事 但小君者 夫人之號 不稱小君 與不稱夫人 其事同矣 故知不成喪

者 卽不赴不祔是也 由不赴不祔 夫人之喪 禮不成 故不稱小君也 此定姒實是夫人 臣子怠慢 不成其

禮 故書卒 不稱薨 書葬而不稱小君 所以罪臣子也 哀十二年 孟子卒 傳曰 不反哭 故不言葬 小君是由

反哭於寢 故書葬也 ○冬城漆書不時告也 注實以秋城冬乃

告廟 曾知其不時 故緩告 從而書之 以示譏 疏正義

城漆者 書其城 不以時 所書在冬 依其文 則得時矣 故傳辯之 云不時告也 城實非時 知其不可 而以時

廟告



春秋左傳注疏卷五十六

春秋左氏傳注疏卷五十六考證

傳公會齊侯于祝其實夾谷○臣召南按祝其縣漢屬

東海郡後漢郡國志曰祝其春秋時曰夾谷

傳而不反我汶陽之田吾以共命者亦如之疏此聖人之大司也○大司二字不可解疑應作聖人之大用也各本同作司未敢輒改

叔孫州仇帥師隨郈疏仲由墮之而仲尼不禁○臣浩

按如公羊說孔子為墮三都之謀也如左氏說仲由

為之也史記魯世家則直曰使仲由毀三桓城收其  
甲兵孔子世家則直曰孔子言於定公曰臣無歲甲  
大夫無百雉之城使仲由為季氏宰將墮三都是從  
公羊說也

傳公圍成弗克○趙汭補注曰以墮三都為夫子之意  
者蓋後學臆度言之石林葉氏云季孫叔孫皆屈于  
家臣南蒯以費叛侯犯以郈叛是也墮郈墮費二氏  
自為計而欲去其險耳夫何有於仲由此亦尊孔氏



而反卑之者也臣照按趙汭說是

晉趙鞅入于晉陽以叛○陸淳曰趙鞅之入晉陽拒范中行也而書曰叛者人臣不當專土也

晉趙鞅歸于晉○蘇轍曰鞅寅吉射之叛其罪鈞也鞅以有助而歸寅吉射以無援故終叛春秋無所與也鞅之言歸寅吉射既出則無難也

傳絳不三月不能出河則我既濟水矣○林堯叟曰晉自絳都非九十日不能出河而救河內則我已卒事

濟河而歸矣臣呂南按自絳至河內不必三月郤意茲不過言絳都整頓車馬必淹滯多時而後得出三月言其久也

傳趙鞅入于絳盟于公宮○

臣呂南

按自此范氏中行

氏出惟存知趙韓魏四家而分晉之勢成矣梁嬰父范臯夷之代荀范傳不言疑為卿而不久也

大蒐于比蒲○孫覺曰春秋田狩之事公行之者必書公公觀魚于棠公狩于郎是也而蒐四見于經皆不

曰公政在三桓非公自出也雖公自行皆曰大蒐而不曰公焉

傳越子句踐禦之○

臣呂南

按史記越世家曰允常卒

子句踐立元年吳王闔廬聞允常死乃興師伐越則定十四年卽句踐之元年也

傳嘉事不體○林堯叟曰朝禮嘉事也而不得其體之

正臣浩按體卽上文所謂左右周旋進退俯仰者也

春秋左氏傳注疏卷五十六考證